

S. C. Rq. M.



V. M. vir eximia eruditione Cosmus Damianus Hortolanus, superioribus annis, commentarios quosdam in Canticum Canticorum Solomonis eruditos illos quidē, luculentos, ac perpolitos lucubrasset: edere illos in publicū ac typis mandare quā vehementissimē satagebat: verū dū è Lugduno Barcinonem Græcos ac hebræos characteres adferri dat operam: euenit, vt vi morbi cuiusdā correptus sedes ad cælestes euolaret. Quamobrem extincto illo eximio viro, euulgandorum studium eorum commentariorum mirandum in modum refrixit. Etenim quē eiusmodi rei cura teneret, extabat nusquam quispiā. Quare venire multorum in manus illos, à quibus negligerentur oportuit. Cum autem postremū apud fœminam fratris ipsius auctoris vxorem eos esse comperimus, non potuimus nos, qui Hortolani cognati eramus, non magnopere propter eam causam condolere. Quid enim spei poterat nobis esse, dum apud fœminam illam sorderent, fore vt eius cura ac industria monumenta viri tam docti prodirent vnquam in lucem ac in manibus studioforum virorum versarētur. Egi propterea cum religioso quodam viro familiæ Franciscanorum, vt copia commentarios eos legendi nobis à fœmina illa fieret. Id autem simul atq; fui consequutus vna